

Avoue l'amicala dai patoisan de Savegni, Fori et einveron

Autor(en): **Djan-Luvî**

Objekttyp: **Article**

Zeitschrift: **L'ami du patois : trimestriel romand**

Band (Jahr): **24 (1996)**

Heft 93

PDF erstellt am: **22.07.2024**

Persistenter Link: <https://doi.org/10.5169/seals-243634>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch



Pages vaudoises

AVOUE L'AMICALA DAI PATOISAN DE SAVEGNI, FORI & EINVERON

Tenâblia dâo 21 d'otôbro 1995, à Savegnî, Hôtè dâi z'Alpè

L'è einveron 14 hâorè 20 (on poû plie que lo quart d'hâore vaudois) quand lo presideint Fanfouè Lambelet âuvre sta tenâblia et sohîte à trétî la binvegnâte.

Quaranta-cin meimbre l'ant signî lo pâï de preseince. Sèze meimbre sè sant estiusâ : Marie-Luvine Goumaz, Georges Sunier, André et Madeleine Portset, Paul Tsevalè, André et Simone Pidoux, Eric Berney, Edith Bron, Lucette Dubois, Gilbert et Bluette Golay, Antoinette Winkler, Pierre et Marthe Guex et Baptiste Grin.

Pu lo presideint no dî tota la dèlâo que no z'ein z'u âo dècè de Fernand Muller, que lo Bon Diû l'a rappelâ subitameint à lî. Stî tchè et fidèlo patoisan l'a ètâ lo bossî dèvoua de la Fîta dâi patoisan roman et dâi payî vesin que devesant lo patois assebin, ein setteimbro 1993, à Payerne. Grand macî à lî. Por honorâ son rassovenî, lo presideint demeinde à la tenâblia de sè lèva por n'on momeint de sileince.

La gratta-papâï l'èteint dan estiusâie, l'è lo vice-presideint Djan-Luvî Tsobè que lye lo verbâ de la tenâblia dâo sî de mài 1995, que l'a écrî Marie-Luvise. Sta z'issemmeint se le bus l'a ètâ combriolâ per dâi fregueleye. La redzipète l'a trovâ moyan de relèvâ ein lè mourgueint que lè z'hommo l'ant prâo verratsounâ, tot parâi à rebouille-mor dein lè pintè, tandu que lè fennè dussavant fêre dâo lètse-vitrine ein lè z'atteindeint. Stî doû rappoant adoptâ per trétî et saluâ ein tapeint dâi man. Grand macî bin à Marie-Luvise.

No z'ein lo plliésî de reçâidre dein noutr'Amicala doû novî meimbre : Metsî Tsapouâi, de Pouèdâo, et la dzouvenetta Mary-Line Ducret, dâo Mont-Pèlerin, que tsante que-meint n'on tienson. Binvegnâte à tî lè dou.



Ein aprî, no tsantein trèti "Tsantein", tsantein einseimbio".

Pu Pierre Badoux no devese dâi z'aleçon que balye à trèti que volyant appreindre lo patois, di que cein va todzo bin, mât pâo pas dere grand tsoûsa de plie, câ l'a dèpèdu la vouè; tsancro de ranquemalaïe.

Marguerite Cordey no conte la balla djornaïe que l'a passâïe avoué s'n'hom

mo à la Fîta dâi patoisan de Savouye, à Thônes. Nôutrè z'ami de l'autre côté dâo lé savant bin reçâidre.

Quemeint lo tein passe ! No vâitsé bins-toû à Tsalande. La Fîta de Tsalande dâi patoisan sarâ lo deçando 16 de dèceimbro 1995, âo pâilo dâo Conset commoûnâ, à Forî.

Ein aprî l'eimpartyà statutéra vin l'im-

partyà famelyïre :

- lè Sansounet, deredzî per nôutron todzo dzouven Georges Narbel tsantant quauque galèzè tsanson (la Tsanson d'Amoû, de Gustave Doret, l'Aoton l'è quie, mélodie dâo 16me siècle, la Youtse, de Joseph Bovet);
- Fanfouè Lambelet récite 'nna poésî "l'Etiéru et lo Renâ, ein patois l'è de bî savâi;
- Djan-Luvî Tsobè raconte quauque gandoise, ein patois, assebin;
- Metsî Favre, de vè lo motî, et d'autre meimbre de mîmo;
- Georges Narbel tsante dâi tsanson dâi z'autre yâdzo, pu por cllioûre, lè Sansounet ant balyî onco quattro tsant (Travaille ta vigne, de Ginette Dubois, Pays de mon choix, chanson de cow-boys, Tsanson dâi vegnolan, de Carlo Boller, et d'à derrâi, Lo Dzora de Savegnî-Forî, d'Hermann Henchoz et Oscar Pasche).

Dinse que lè vâo la coutema, no z'ein pu guelyennâ on verro de rodze or de bllyan et surtot sè regalâ dâi tant bounè bombenisse de stî damè de Forî. Grand macî bin.

Lo gratta-papâi reimplyèceint : Djan-Luvî, vice-presideint

